

劉兆祐博士主編
中國史學叢書三編

頌
天
臚
筆
(三)



臺灣學堂書局
印行

劉兆祐博士主編
中國史學叢書三編

頌
天
臚

筆
(三)

臺灣學生書局
印行

頌天臚筆卷之八

吳門布衣金日升茂生父著

贈廕

贈太常寺卿謚忠介周公

公諱順昌字景文別號蓼洲直隸吳縣人登萬曆癸丑科進士六年節推四載銓曹出入京華唯一肩行李涉歷宦途止廿畝山田寒門布素蕭瑟藜藿賢名高月旦清望滿天下剛腸激烈屢經面叱權姦俠氣昂藏恒自心懷忠義天啓

甲子之後

熹廟以冲疾居深宮致移聽睹于中涓於是羣
姦類引假黨錮以網天下士圖逞不軌魏給諫
大中以首攻逆璫被逮過吳門浙直士民咸不
難減血 明廷以白其寃公以有道之悲爲度
遼之耻惟不得與之俱赴大理爲憾遂爾許婚
屏遺以壯孤臣忠膽其羣姦之側目尤甚及憐
誣黜之撫臺製峻詞以觸織監乃逮其毒矣緹
騎逮時卽收束書籍拜別宗祠徐題僧廬楔額

禁止妻兒哭泣毅然登車合郡士民追隨閉市
執香號呼聲若轟雷扳轅叩道輿情共憤鼓譟
奔擁攘臂爭登欲毆官旂以排難仰遵府道之
開諭公乃鞠躬謝衆云原係不才故遭天譴與
若輩無干倘有所損反致我族滅也衆方帖然
尤遶護不散撫按兩臺許以明晨出疏保留府
縣面慰無煩爾衆紛囂聚閤朝廷有法官府
有方今汝等欲何爲是將遺害周宦爾等亦獨
不思保身乎衆意稍解隨送公于別署安輯而

罷越四日由夜半奔命人不及知輕舫如飛而去至下鎮撫司彪惡許顯純極刑捶楚誣賍拷比骨斷皮開血濺肉飛面如土色身無完膚公惟齧指睜目不聞哀乞之聲祇是罵不絕口顯純恐逆璫移怒于已盡撻落其齒公猶噴血大詈有張睢陽之大節天日爲之無色時有好義者閩中舊治士民吳中交游嫺黨一時醵金錢代其完賍冀其生全而公已被緹撫肆毒隨斃矣臨死具短章所以屍諫焉獄卒見而燬之惜

乎不傳及奉 旨領埋惡升故置之獄底遲留
數日皮肉已腐無寸絲掩骼面目俱消止見頭
顱鬚髮英氣凜冽尚自逼人見之膽寒股栗有
人心者無不爲之腸斷掩泣也士民追慕不已
製詞弔之者盈帙幸逢

聖明離照當陽日月重光優卹忠魂寵賁泉壤
贈公太常卿賜謚建祠廕子入監讀書學使者
疏請祀公于鄉賢福閩亦請祀名宦俱奉

俞旨得列 聖宮俎豆公真不朽矣

會吉時辰 望官邸 豆公真不計矣

起請師公千機贊師圖衣請師

觀公太常職器望重國泰

望則瞻照當期日月重光

建國中之普益知幸矣

人必普無不為之觀圖對武山士

通議英英屏崇極尚自置人

婦日又肉之富無十絲劉都

平不暫又奉 音醉聖惡我

香 妙 妙 妙

周吏部紀事

張世偉曰吳郡周吏部真千古間出之人被逮而小民千百人爲鄉紳持香號冤哄擊緹騎至梟磔不悔真千古絕無之事吏部死詔獄甫一年所而

聖天子登極徧卹冤死諸臣吏部以六品官超得全典羣情具愜千古冤橫之伸真亦未有若斯之捷速者也宜得高文鉅筆照耀史冊又必得鄉里知厚能通其志考其世之人按次本末

克佐惇史偉愧無似然以臭味之雅粗識去取
草創其何敢辭竊惟世間名賢有累牘不能摹
其精神頰益三毛乃得之寫生點綴間者卽唐
諸忠臣義士入韓柳兩大家手筆何限而張中
丞傳後段太尉軼事獨炳烺千古讀之凜凜有
生氣豈非提要者易工鋪文者難肖耶偉才不
足差擬及觀唐記司刑卿徐公如潘主簿好禮
盧舍人若虛深有意其爲人極筆闡揚不以記
傳而以論稽考時地設爲問答確不得與尋常

持平者比心竊慕傲節摠所見著之于篇更其
端爲五集其成有七豈云遽探驪珠第于鱗甲
爪齒間當不至未覩生面耳昔唐史載鄴侯傳
寂寥不稱司馬公通鑑多取家傳參入張中丞
傳舊史亦不足觀新史採李翰傳及韓書傳後
成之今偉言斷斷不阿操筆者毋以非其人下
遺於
聖天子旌卹之全典考厥本末庶幾足備萬一
焉

忤閹始末

人生麗于五行卽有相剋相制相勝相害之數存乎其間天生地成而不可易如周吏部于羣閹是已吏部蓋生而與閹忤者也司理福州玄黃戰血戰勝登朝孚號夫決一蹶而墜陷穽摧拉返于物極覲見消雪陰陽互爭無往不復豈不然哉吏部成癸丑進士任福州不半歲值稅關高窠之變至劫撫院質二司吏部以司理署縣篆獨倡議鳴鼓聲罪不當牽率詣稅解請命

其時視江廣抗闔諸臣例得逮蒙

神祖特不逮且撤闔吏部遂得畢任以異等擢
今所稱官 國家再更大故

光廟德政浹不崇朝循至天啓甲子而闔禍作
作繇魏逆忠賢其夏楊副院漣具疏數二十四
大罪攻之始疑走險繼則乘墉冬十月乃異肆
盡削楊左等諸大臣官且議逮甘心焉而吳撫
周適疏攻闔黨併被削故事撫院行必有送序
序無敢屬筆者吏部奮曰削行最榮如周公可

無贈耶亟具稿略曰人臣之去留與國家之治亂每相應巡撫大吏天子不輕議去况議削更以叅屬削也雖然能奪公以官詎能奪公以名乎公去而郡邑守有所顧忌不敢以身殉璫繼公撫吳者終不能趨炎附羶翻一成之案而卽今因公叅得美官諸人亦色沮心怵負世大詬海內仗節秉鉞之臣猶必以察吏安民挺特乎震風凌雨之中謂公以削去報天子可也文成無不嚙指吏部憤發顧叱自如

時緹逮紛出自楊漣外如左如魏如周如袁如顧皆逮而諸君子中魏給諫以清節特相引重過吳門時許女字其孫言路調得爲奇貨疏極挑激得旨削奪吏部閱疏語知中怒深禍不止然久之而相應和羅劾前周撫疏中逮斃者則織闔李實疏也故曰吏部生與闔忤若相剋相制相勝害而不可易也張世偉曰偉交吏部晚契在己未爲福州最召時相與言稅闔事指董司空記非實錄偉初謂和解抗執不妨互濟

吏部言稅闍非叛直以民變劫質救死耳諸藩
臬郡縣一心聲義致討遂敢害大吏邪業已相
率代質受命稅解而又欲掠靖亂名不審朝論
不測使和者當之乎使抗者當之乎非獨此也
士氣益卑闍習劫質利去異時尤而效之將爲
朝廷大憂吏部具遠識輕徇人以官不輕徇人
以名每談及輒介介不平以此觀送周撫院削
奪序可概見若送序更難言之矣夫楊䟽出後
攻闍䟽百卽後來媚璫諸奸亦與焉何獨侈言

吏部序嗟乎以其時考之可矣時蓋乙丑燈夕也履霜堅冰有漸獨狂風怒號排山倒海無漸蓋先時衆正盈朝醞毒未發一得外廷宵小之助潰決稽天不惟庸人喑啞卽素號慷慨者敢一字斥言邪吏部此時奮筆正非天結其性奇其邁以與閹抗不得嗟乎名以之成禍以之興殆斯序也夫殆斯序也夫稅閹事在往時吏部別有紀不錄錄其係近事者

逮行始末